



BROJ: 0602-131-17/26
SARAJEVO, 17.02.2026. god.

Na osnovu člana 70. Zakona o javnim nabavkama („Službeni glasnik BiH“ broj 39/14, 59/22 i 50/24), član 38. Pravilnika o javnim nabavkama broj 02-11-491-7/23 od 28.02.2023. godine i člana 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatovan u Zapisniku o pregledu i ocjeni ponuda broj 0602-131-15/26 od 06.02.2026. godine, Direktor d o n o s i

ODLUKU
o izboru najpovoljnijeg ponuđača
po otvorenom postupku

Član 1.

Ugovor za usluge nadzora radova na proširenju groblja Vlakovo na cca 5500 m² (4 grobna polja) u vrijednosti od 2.300,00 KM bez uračunatog PDV-a, odnosno 2.691,00 KM sa uračunatim PDV-om dodjeljuje se ponuđaču Radis d.o.o. I. Sarajevo, sa registrovanim sjedištem u ulici Jovana Dučića 16, I. Sarajevo.

Član 2.

Ponuda ponuđača „Team Hidro“ d.o.o. Sarajevo i „Modul Arhitektura“ d.o.o. Sarajevo, se odbijaju u skladu sa članom 68. stav 4, tačka i) Zakona o javnim nabavkama, jer ponuda nije potpuna i ne ispunjava zahtjeve iz tenderske dokumentacije.

Član 3.

U skladu sa članom 70. stav 6. Zakona KJKP POKOP d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

KJKP POKOP d.o.o. Sarajevo je u skladu sa čl. 18. i 25. Zakona o javnim nabavkama pokrenuo otvoreni postupak za usluge nadzora radova na proširenju groblja Vlakovo na cca 5500 m² (4 grobna polja). Na portalu javnih nabavki objavljeno je obavještenje o nabavci broj 775-1-2-8-3-14/26 dana 16.01.2026. godine i u „Službenom glasniku BiH“ broj 5/26 od 23.01.2026. godine.

Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije izvršeno je javno otvaranje ponuda, dana 06.02.2026. godine u prostoriji KJKP POKOP d.o.o. Mula Mustafe Bašeskije 38, Sarajevo, što je konstatovano u zapisniku sa otvaranja ponuda u skladu sa Zakonom o javnim nabavkama.

Komisija je na javnom otvaranju konstatovala da je svoje ponude predalo 6 (šest) ponuđača i to: Radis d.o.o. Jovana Dučića 16, I. Sarajevo, Arting d.o.o. Nikole Šopa 9, Ilidža- Sarajevo, Team Hidro d.o.o. Vilsonovo šetalište 10 Sarajevo, Smajić-Inženjering d.o.o. Zaima Imamovića bb, Goražde, Hydro Control d.o.o. Lužansko polje 46a, Ilidža-Sarajevo i Modul Arhitektura d.o.o. Kolodvorska 12/b, Sarajevo.

Komisija je prema članu 65. ZJN pristupila pregledu i ocjeni ponuda, što je konstatovano u Zapisniku o pregledu i ocjeni ponuda, koji je sastavni dio ove Odluke.



Na osnovu Pravilnika o uslovima i načinu korištenja e- Aukcije, a koju je ugovorni organ predvidio u tenderskoj dokumentaciji, a nakon otvaranja i evaluacije ponuda te obzirom da su četiri ponude ocijenjene kao prihvatljive, u skladu sa uslovima postavljenim u tenderskoj dokumentaciji, postupak e-Aukcije zakazan je za dan 12.02.2026. godine sa početkom u 12:00 sati i uspješno je završena u 15:06 sati. Nakon provedene e-Aukcije i izvršenog konačnog rangiranja ponuda, Komisija ugovornog organa je utvrdila da je ukupna cijena ponude ponuđača Radis d.o.o. Istočno Sarajevo, broj: 0602-131-8/26 od 02.02.2026. godine za cca 80 % niža u odnosu na prosječne cijene preostalih prihvatljivih ponuda, te je na osnovu člana 66. stav 1. Zakona o javnim nabavkama („Službeni glasnik BiH“ broj 39/14, 59/22 i 50/24) ispunjen uslov za obavezno traženje pojašnjenja cijene iz člana 17. stav 7. tačka a) Uputstva za pripremu modela tenderske dokumentacije i ponuda („Službeni glasnik BiH“ broj: 90/14 i 20/15). Ugovorni organ obavezno od ponuđača traži pojašnjenje cijene ponude koju smatra neprirodno niskom ako su ispunjeni slijedeći uslovi:

- a) cijena ponude je za više od 50% niža od prosječne cijene preostalih prihvatljivih ponuda ukoliko su primljene najmanje tri prihvatljive ponude.

Ponuđač je, u ostavljenom roku, dostavio pisano obrazloženje neprirodno niske cijene, koje je Komisija zaprimila i koje čini sastavni dio Zapisnika o pregledu i ocjeni ponuda.

Ugovorni organ je ocijenio da je ponuđač dostavio osnovano obrazloženje i da je isto prihvatljivo te je sačinio konačnu rang listu ponuđača kako slijedi:

R.b.	Naziv ponuđača	Cijena iz Obrasca za ponudu nakon e-aukcije (bez uključenog PDV-a) KM
1.	Radis d.o.o. Jovana Dučića 16, I. Sarajevo	2.300,00 KM
2.	Smajić-Inženjering d.o.o. Zaima Imamovića bb, Goražde	2.499,00 KM
3.	Hydro Control d.o.o. Lužansko polje 46a, Ilidža-Sarajevo	12.805,00 KM
4.	Arting d.o.o. Nikole Šopa 9, Ilidža- Sarajevo	13.000,00 KM

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača: Radis d.o.o I. Sarajevo, sa registrovanim sjedištem u ulici Jovana Dučića 16, I. Sarajevo iz razloga što je Komisija utvrdila da ponuda primjenjujući kriterij najniže cijene tehnički zadovoljavajuće ponude, prihvatljiva i sačinjena u skladu sa traženim uslovima navedenim u Tenderskoj dokumentacijom za predmetni postupak.

Shodno prijedlogu i preporuci Komisije za javne nabavke „Usluge nadzora radova na proširenju groblja Vlakovo na cca 5500 m² (4 grobna polja).“ u vrijednosti od 2.300,00 KM bez uračunatog PDV-a, odnosno 2.691,00 KM sa uračunatim PDV-om dodjeljuje se ponuđaču: Radis d.o.o, sa registrovanim sjedištem u ulici Jovana Dučića 16, I. Sarajevo, koji je u otvorenom postupku podnio prihvatljivu ponudu u skladu sa tenderskom dokumentacijom, koja je prema kriteriju za izbor ponude (najniža cijena) ocijenjena najpovoljnijom ponudom.

Ponuđač „Team Hidro“ d.o.o. Sarajevo se odbija kao neprihvatljiva za Ugovorni organ jer ne ispunjava zahtjeve iz Tenderske dokumentacije, i to iz sljedećeg razloga:

Naime Tenderskom dokumentacijom je izričito propisano da je ponuđač, kao dokaz ekonomske i finansijske sposobnosti, bio dužan dostaviti:

- a) **Potvrdu izdatu od strane banke ili druge finansijske institucije kod koje je otvoren „Glavni račun“, sa naznakom da navedeni račun ponuđača nije bio blokiran u posljednjih 12 (dvanaest) mjeseci, pri čemu potvrda ne smije biti starija od 30 dana od dana dostavljanja ponude.**

Ovaj zahtjev je postavljen kao obavezan i nedvosmislen uslov, koji su svi ponuđači bili dužni ispuniti kako bi njihova ponuda mogla biti uzeta u dalje razmatranje.

Uvidom u dostavljenu ponudu Komisija je nesporno utvrdila da ponuđač nije dostavio traženu potvrdu banke kojom bi na propisan način dokazao da njegov glavni račun nije bio blokiran u posljednjih 12 mjeseci.

S obzirom na to da ponuđač nije dokazao ispunjavanje uslova ekonomske i finansijske sposobnosti propisanih Tenderskom dokumentacijom, Komisija je u skladu sa članom 68. stav (4) tačka i) Zakona o javnim nabavkama BiH, utvrdila da je ponuda neprihvatljiva te se ista odbacuje.

Ponuđač „Modul Arhitektura“ d.o.o. Sarajevo se odbija kao neprihvatljiva za Ugovorni organ jer ne ispunjava zahtjeve iz Tenderske dokumentacije i to iz sljedećeg razloga:

Tokom pregleda i ocjene ponuda, ugovorni organ je utvrdio da je ponuđač na obrascu za ponudu izvršio izmjenu podataka na način da je broj telefona tri puta prekrižen.

Navedena izmjena predstavlja intervenciju u sadržaj obrasca ponude, kojom se mijenja prvobitno upisan podatak, te se ista ne može smatrati isključivo grafičkim ili tehničkim obilježavanjem teksta, već ispravkom sadržaja dokumenta.

U tenderskoj dokumentaciji u tački 22.1.4 je propisano da „Ispravke u ponudi moraju biti urađene na način da su vidljive i potvrđene potpisom i pečatom ponuđača, uz navođenje datuma ispravke, u suprotnom ponuda će biti odbijena“, kako bi se moglo nesporno utvrditi:

- da izmjena potiče od ponuđača,
- da je izvršena prije isteka roka za dostavljanje ponuda,
- da predstavlja stvarnu i konačnu volju ponuđača.

U konkretnom slučaju, ugovorni organ je utvrdio da prekrizavanje broja telefona:

- nije potvrđeno potpisom ovlaštenog lica,
- nije ovjereno pečatom ponuđača,
- ne sadrži datum izvršene ispravke.

Na osnovu navedenog, Komisija konstatuje da ponuda ponuđača Modul Arhitektura d.o.o. Sarajevo ne ispunjava zahtjeve iz Tenderske dokumentacije, te se ista odbija u skladu sa članom 68. stav (4), tačka i) Zakona o javnim nabavkama Bosne i Hercegovine.

Shodno navedenom Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



Prilog: - Kopija zapisnika o pregledu i ocjeni ponuda

DOSTAVITI:

1. Ponuđačima x 6
2. Nadležnoj službi;
3. a/a.

Sačinila: _____

Kontrolu izvršila: _____